

17. juli 1988.

1

U Rimu su UN delegati iz više od 100 zemalja nadprosječnom većinom (120-7) glasali za historijski sporazum, Rimski statut, čime je osnovan prvi svjetski sud za ratne zločine, s nadležnostima nad pojedincima, bez obzira na stroge američke prigovore na određene odredbe. Sud je smješten u Hagu sa 18 sudaca iz 18 zemalja i mandatom od 9 godina. Bila mu je potrebna ratifikacija u još 60 zemalja kako bi stupio na snagu. Rezultat glasanja je iznosio 120 prema 7 uz 21 uzdržano. SAD, Kina, Izrael, Libija, Katar i Jemen su glasale protiv Sporazuma o međunarodnom kaznenom sudu (ICC). SAD su 2002. povukle svoj potpis.

30. november 1988.

Britanija, Lesoto, Burkina Faso, Obala Slonovače i Tadžikistan su potpisale globalni sporazum da Međunarodni kazneni sud vrši progon ratnih zločina. Sporazum je odobren u julu na konferenciji u Rimu i 61 zemlja je potpisala sporazum. Sudu je bilo potrebno 60 potpisa kako bi zadovoljio zakonske odredbe za ratifikaciju.

11. april 2002.

3

Međunarodni kazneni sud koji finansira UN je ratificiran bez odobrenja SAD-a. Privremeno sjedište se nalazi u Hagu, Nizozemskoj.

3. august 2002.

Kongres je odobrio zakon o zaštiti pripadnika američkih oružanih snaga (ASPA), američki federalni zakon kojeg je uveo američki senator Jesse Helms kao dodatak zakonu o autorizaciji nacionalne odbrane. Svrha dodatka je bila „da zaštiti američko vojno osoblje i ostale imenovane i izabrane zvaničnike američke vlade od krivičnog progona od strane Međunarodnog kaznenog suda u kojem Sjedinjene Američke Države ne učestvuju.” Postao je poznat kao „zakon o izbjegavanju Haga“.

10. august 2002.

Dojavljeno je da je administracija Georgea Busha počela upozoravati strane diplomate da bi mogli izgubiti američku vojnu pomoć ako se pridruže Međunarodnom kaznenom sudu bez garancije da će štititi američke građane od njegovih odredbi. Članom 98. je nacijama omogućeno da pregovaraju o imunitetu na bilateralnoj osnovi.

2003.

6

U istočnom Kongu, Germain Katanga i Mathieu Ngudjolo su predvodili paravojnu formaciju čiji su članovi bili i djeca, koja je napala selo Bogoro, i ubili preko 200 ljudi uključujući žene i djecu. Mnoge od žrtava su izranjavane do smrti mačetama. Katanga i Ngudjolo su 2008. dovedeni pred Međunarodni kazneni sud radi suđenja.

23. mart 2005.

Francuska je predstavila rezoluciju UN-a kojom je dozvoljen krivični progon osumnjičenih za ratne zločine u Sudanu pred Međunarodnim kaznenim sudom, čime su prisilili SAD da bira između prihvatanja tijela kojem se protivi ili ulaganja politički štetnog veta.

31. mart 2005.

Nakon sedmica često ogorčenih pregovora, Vijeće za sigurnost UN-a je odobrilo rezoluciju da proslijedi osumnjičene za ratne zločine u Sudanu Međunarodnom kaznenom sudu, uz značajne koncesije koje su zahtijevale Sjedinjene Države.

05. april 2005.

Desetine hiljada Sudanaca je marširalo kroz glavni grad Khartoum protiv rezolucije UN-a kojom se osumnjičeni za ratne zločine prosljeđuju Međunarodnom kaznenom sudu.

05. april 2005.

UN je tužiteljima Međunarodnog kaznenog suda dostavio desetine hiljada dokumenata i listu od 51 osobe za istragu o navodnim ratnim zločinima u sudanskoj regiji Darfur u kojoj su se odigrali sukobi.

18. maj 2005.

Zakonodavstvo u Kambodži je ratificiralo pakt sa Sjedinjenim Državama kojim je svaki državljanin te zemlje izuzet od progona Međunarodnog kaznenog suda, sporazum kojeg je zahtijevao Washington kako bi izbjegao politička suđenja svojih građana.

06. juni 2005.

Međunarodni kazneni sud u Hagu je zvanično najavio otvaranje istrage za ratne zločine u sudanskoj regiji Darfur nakon što mu je UN dostavio listu od 51 potencijalnog osumnjičenika.

02. juli 2005.

Australia i Novi Zeland su pristali na stroge nove mjere kako bi izvršili pritisak na predsjednika Zimbabvea Roberta Mugabea da poštuje ljudska prava, uključujući sportsku zabranu i poduzimanje aktivnosti protiv njega na Međunarodnom kaznenom sudu.

30. august 2005.

Australija i Novi Zeland su lobirali Vijeću sigurnosti UN-a da podigne optužnicu protiv predsjednika Zimbabvea Roberta Mugabea i njegove vlade na Međunarodnom kaznenom sudu za zločine protiv čovječnosti.

08. januar 2006.

Jordanski parlament je odobrio zakon kojim je spriječio da Amman izručuje američke građane optužene za ratne zločine Međunarodnom kaznenom sudu (ICC).

14. juni 2006.

Thomas Lubanga Dyilo, kongoanski vođa paravojnih formacija optužen za mobilizaciju i regrutovanje djece mlađe od 15 godina za ratovanje (1998- 2002), je postao prvi osumnjičeni za zločine pred Međunarodnim kaznenim sudom.

14. juni 2006.

Glavni tužitelj Međunarodnog kaznenog suda je izjavio da je njegov ured dokumentovao slučajeve masakra nad stotinama žrtava u sudanskoj regiji Darfur zahvaćenoj ratom kao i stotine slučajeva silovanja.

15. juni 2006.

Sudan je izjavio da Međunarodni kazneni sud ne posjeduje nadležnosti nad zločinima u nasilnoj regiji Darfur i da sud neće ispitivati zvaničnike.

28. august 2006.

U Nizozemskoj su tužitelji Međunarodnog kaznenog suda podigli prvu optužnicu kojom su optužili Thomasa Lubanga, prijašnjeg kongoanskog ratnog vođu, na navodnu otmicu i regrutovanje djece starosti od 10 godina za borbe u brutalnom građanskom ratu u Kongu.

02. oktobar 2006.

Ministar vanjskih poslova Ruben Ramirez je izjavio da Paragvaj i Washington neće obnoviti sporazum o odbrani i saradnji za 2007. godinu uslijed odbijanja Južne Amerike da američkim trupama odobri da učestvuju u paragvajskom imunitetu od krivičnog progona pred Međunarodnim kaznenim sudom.

2006.

Bosco Ntaganda, nekadašnji kongoanski ratni vođa je bio prvi osumnjičenik protiv kojeg je ICC podigao optužnicu za ratne zločine. Sud je optužio Ntagandu za mobilizaciju djece vojnika u borbama u Ituri, u sjeveroistočnom Kongu, u razdoblju od 2002. do 2003. godine.

29. januar 2007.

Međunarodni kazneni sud je presudio da je protiv Thomasa Lubanga, kongoanskog člana paravojne formacije koji je optužen za regrutovanje djece vojnika, postojalo dovoljno dokaza za pokretanje prvog suđenja na novom sudu.

26. februar 2007.

Sudan je odbio legitimnost Međunarodnog kaznenog suda za podizanje optužnica za sukobe u Darfuru, koji je četiri godine od izbijanja nasilja i dalje bio zahvaćen stradanjima i glađu.

27. februar 2007.

Tužitelj Međunarodnog kaznenog suda je proglasio Ahmeda Muhammeda Haruna, nekadašnjeg sudanskog mlađeg ministra, i Alija Mohammeda Alija Abd-al-Rahmanna, vođu iz Janjaweeda, osumnjičenim za ratne zločine i zločine protiv čovječnosti u regiji Darfur. Sudan je odbio legitimnost ICC-a, i inzistirao da Sudan bude nadležan za suđenje ratnim zločincima u regiji Darfur.

02. maj 2007.

Međunarodni kazneni sud je izjavio da je izdao potjernice za ministrom humanitarnih poslova Sudanske vlade i jednim od vođa paravojnih formacija u Janjaweedu za koje postoji sumnja da su počinili ratne zločine u Darfuru.

22. maj 2007.

Tužitelj međunarodnog kaznenog suda je najavio istragu ratnih zločina stotina slučajeva silovanja i ostalih oblika zlostavljanja u Centralnoj Afričkoj Republici 2002. i 2003. godine. UN je osudio zarobljavanje dvojice humanitarnih radnika na sjeverozapadu CAR-e, i izjavio da pogoršanje situacije onemogućuje humanitarni rad u zemlji.

29. september 2007.

U Sudanu je veliki broj pobunjenika napao mirovnu bazu Afričke Unije u Haskanita, Darfur, ubivši 12 vojnika i ranivši još 8 osoba u najvećem napadu na misiju do sad. Preko 50 članova mirovne baze AU i pratećeg osoblja je nestalo u akciji. Međunarodni kazneni sud (ICC) je 2009. izjavio da su borci pod komandom vođe pobunjenika iz Darfura, Bahara Idrissa Abua Garda brutalno ubili 12 afričkih članova mirovne baze prije pljačkanja kampa. Abdallah Banda Abakaer Nourain i Saleh Mohammed Jerbo Jamus, osumnjičeni za smrtonosni napad, su se 2010. dobrovoljno predali Međunarodnom kaznenom sudu u Nizozemskoj kako bi se suočili s optužnicama za ratne zločine.

22. oktober 2007.

Vođa kongoanskih paravojnih formacija Germain Katanga je postao tek drugi osumnjičenik za ratne zločine koji se pojavio pred Međunarodnim kaznenim sudom.

2007 – 2011.

Tužiocima pri ICC-u su izjavili da je kenijski zamjenik premijera Uhuru Kenyatta organizovao smrtonosne napade na opoziciju nakon sumnjivog glasanja 2007. godine kako bi održao moć vladajuće stranke „služeći se svim raspoloživim sredstvima“. Oko 1.400 osoba je poginulo u borbama uslijed političkih razloga nakon kompromitiranih izbora.

06. februar 2008.

Kongo je uhapsio i izručio na suđenje Mathieua Ngudjoloa, pukovnika i nekadašnjeg vođu pobunjenika optuženog da je 2003. godine predvodio smrtonosni napad na selo u bezakonitom istoku zemlje.

29. april 2008.

Međunarodni kazneni sud je izdao nalog za hapšenjem Boscoa Ntaganda (35), poznatijeg kao „Terminator“, vođu kongoanskih paravojnih formacija traženog za navodnu mobilizaciju djece vojnika.

03. juli 2008.

Nekadašnji vođa pobunjenika u Kongu, Jean-Pierre Bemba, je stigao u Nizozemsku kako bi se suočio s optužnicama za ratne zločine pred Međunarodnim kaznenim sudom.

12. juli 2008.

Arapska liga je izjavila da će održati razgovore o krizi u Sudanu nakon izvještaja Međunarodnog kaznenog suda da će možda tražiti hapšenje sudanskog predsjednika Omara al- Beshira, usred bojazni za mirovna nastojanja u Darfuru. Slučaj predstavlja prvi zahtjev ICC-a za podizanjem optužnice protiv državnog čelnika na vlasti. Afrička unija je izjavila da bi planovi ICC-a mogli ugroziti mirovna nastojanja u Darfuru.

13. juli 2008.

U Sudanu se hiljade prosvjednika okupilo u Khartoumu uzvikujući „Dolje, dolje SAD!” nakon izvještaja da će ICC tražiti hapšenje sudanskog predsjednika za navodne ratne zločine. U stampeu okupljenih koji su prisustvovali vojnoj ceremoniji proslave diploma je poginulo 17 osoba na stadionu al- Merriekh u Omdurmanu, gradu- blizancu Khartouma. Među poginulima su bili uglavnom žene i djeca uz još oko 30 povrijeđenih osoba.

14. juli 2008.

Tužilac Međunarodnog kaznenog suda je podigao optužnicu za genocid protiv sudanskog predsjednika Omara al-Bashira, optužujući ga da je planirao pokušaj uništenja afričkih plemena u Darfuru provođenjem kampanje ubistava, silovanja i deportovanja. Ta optužnica je bila prva optužnica koju su tužitelji prvog svjetskog stalnog suda za ratne zločine podigli protiv nekog aktuelnog državnog čelnika.

19. juli 2008.

Arapska liga je kritikovala tužitelja Međunarodnog kaznenog suda za traženje hapšenja sudanskog predsjednika pod optužnicom za genocid, izjavivši da bi diplomatija trebala biti prioritet pri rješavanju sukoba u Darfuru.

25. juli 2008.

Sudan je prijetio da će protjerati pripadnike mirovnih snaga iz Darfura ako predsjednik Omar al-Beshir bude optužen za ratne zločine na Međunarodnom kaznenom sudu.

13. oktobar 2008.

Sudanski zvaničnici su objavili da je došlo do hapšenja Alija Muhammada Alija Abd-al- Rahmana, vođe paravojnih formacija u Janjaweedu kojeg je ICC optužio 2007. za zločine protiv čovječnosti.

12. november 2008.

Sudanski predsjednik Omar Hassan al-Bashir, suočen s potencijalnom optužnicom Međunarodnog kaznenog suda za navodne ratne zločine u Darfuru je proglasio prekid vatre u regiji.

20. november 2008.

Tužilac Međunarodnog kaznenog suda je zatražio naloge za hapšenje pobunjenika u sudanskoj regiji Darfur, optužujući ih za napad na kamp Afričke unije i ubistvo 12 pripadnika mirovnih snaga u septembru 2007. godine.

2008.

ICC je izdao nalog za hapšenjem za Ahmeda Harouna, sudanskog ministra humanitarnih poslova pod 51 tačkom optužnice za ratne zločine i zločine protiv čovječnosti navodno počinjenih u zapadnoj regiji Sudana, Darfuru, tokom 2003. i 2004. godine.

26. januar 2009.

U Nizozemskoj je počelo prvo suđenje pred Međunarodnim kaznenim sudom u Hagu za Thomasa Lubanga, kongoanskog vođu paravojnih formacija, koji je porekao da je počinio ratne zločine u vidu mobilizacije na stotine djece vojnika za provođenje ubijanja i silovanja.

28. januar 2009.

Sudanac Mohammed el-Sari je osuđen na 17 godina zatvora pod sumnjom da je pokušavao pomoći Međunarodnom kaznenom sudu s istragama protiv ministra osumnjičenog za ratne zločine u Darfuru. Uhapšen je u junu i optužen da je pokušavao da dostavi informacije o specijalnoj policiji u Darfuru, muškarcima za čiju je obuku i plaću bila zadužena vlada i čiji je nadređeni bio tadašnji ministar humanitarnih poslova Ahmed Haroun.

14. februar 2009.

Egipatski ministar vanjskih poslova Ahmed Abul Gheit je održao razgovore sa sudanskim predsjednikom Omarom al-Beshirom uslijed obavijesti da je Međunarodni kazneni sud izdao nalog za njegovo hapšenje.

04. mart 2009.

ICC je izdao nalog za hapšenjem sudanskog predsjednika Omara al-Bashira pod optužnicama za ratne zločine i zločine protiv čovječnosti u Darfuru. On je prvi aktuelni državni čelnik za kojeg je sud izdao nalog za hapšenjem. Francuska organizacija za medicinsku pomoć Doktor bez granica (MSF) je izjavila da povlači osoblje iz Darfura nakon što im je sudanska vlada naredila da odu. Sudan je naredio da se najmanje 10 humanitarnih grupa izbaci iz Darfura.

16. mart 2009.

Amr Moussa, nekadašnji egipatski ministar vanjskih poslova i vođa Arapske lige, je izjavio da zemlje AL neće usvojiti zahtjev Međunarodnog kaznenog suda za hapšenjem sudanskog predsjednika pod optužnicom za ratne zločine u Darfuru.

17. maj 2009.

Međunarodni kazneni sud je izjavio da se Bahr Idriss Abu Garda, sudanski vođa pobunjenika, predao sudu kako bi se suočio s optužnicama za napad izvršen u septembru 2007. u Darfuru u kojem je ubijeno 12 pripadnika mirovnih snaga Afričke unije.

15. juni 2009.

ICC je naredio nekadašnjem kongoanskom ratnom vođi pobunjenika Jean-Pierreu Bembi da prisustvuje suđenju pod optužnicom za zločine protiv čovječnosti i ratne zločine, uključujući ubistvo, silovanje i pljačkanje.

06. november 2009.

Turska je odbacila poziv EU da razmotri svoju odluku da dozvoli sudanskom predsjedniku Omaru al-Beshiru, koji je optužen za ratne zločine u Darfuru, da prisustvuje samitu u Istanbulu. Turska nije potpisala Rimski statut kojim je osnovan ICC i prethodno je izjavila da nalog za hapšenje Beshira kojeg je izdao ICC može narušiti nastojanja za mirovno okončanje sukoba u Darfuru.

18. november 2009.

Sjedinjene Države su prvi put prisustvovala sastanku upravnog odbora Međunarodnog kaznenog suda u Hagu kao znak da su prestale nipodaštavati jedini stalni sud za ratne zločine u svijetu.

03. februar 2010.

Suci žalbenog suda u Hagu su izjavili da je Međunarodni kazneni sud pogriješio kad je odlučio da predsjednik Sudana Omar al-Bashir ne može biti optužen za genocid u Darfuru. Presuda bez presedana bi mogla značiti da će al-Bashir biti optužen za najteži zločin protiv čovječnosti.

01. april 2010.

Međunarodni kazneni sud je izjavio da će istražiti članove dvije vladajuće stranke u Keniji pod optužnicom da su podsticali nasilje u kojem je ubijeno preko 1.000 ljudi nakon sumnjivih predsjedničkih izbora održanih 2007. godine.

26. maj 2010.

ICC je prijavio Sudan Vijeću sigurnosti UN-a radi odbijanja da uhapsi ministra vlade i vođu paravojnih formacija pod sumnjom da su odgovorni za ratne zločine u Darfuru. Suci na sudu su izjavili da je Khartoum odbio predati ministra humanitarnih poslova Ahmeda Haruna i vođu paravojnih formacija u Janjaweedu, Alija Kushayba. Sud je naredio njihovo hapšenje 2007. pod 51 tačkom optužnice za zločine protiv čovječnosti i ratne zločine.

31. maj 2010.

Šef UN-a Ban Ki-moon je pozvao afričke narode da sarađuju s Međunarodnim kaznenim sudom radi hapšenja odbjeglog pobunjenika Ugande, Josepha Konija, vođu Božje vojske otpora, i nekih od njegovih zapovjednika.

08. juli 2010.

Međunarodni kazneni sud je prekinuo suđenje kongoanskom vođi paravojnih formacija Thomasu Lubangi i optužio tužioce za zloupotrebu sudskih procesa i ignorisanje naredbi suda.

12. juli 2010.

Međunarodni kazneni sud je optužio sudanskog predsjednika Omara al-Bashira pod tri tačke optužnice za genocid u Darfuru, i tim potezom je stvorio dodatni diplomatski pritisak na izolovani režim.

21. september 2010.

Međunarodni kazneni sud je izjavio da će otvoriti slučaj protiv šest navodnih podstrekača nasilja nakon izbora u Keniji uslijed kojeg je 2007-08. stradalo 1.000 ljudi.

15. decembar 2010.

Komesar kenijske policije je izjavio da će vlasti brzo i odlučno djelovati protiv izbijanja nasilja nakon što je tužilac ICC-a objavio imena osumnjičenih. Tužilac ICC-a Luis Moreno Ocampo je trebao navesti imena šest kenijskih vođa osumnjičenih za podstrekivanje nasilja nakon državnih predsjedničkih izbora 2007. godine. Zvaničnici iz UK, Kanade, Svjetske banke i UNICEF-a su zahtijevali da kenijska vlada krivično goni korumpirane zvaničnike koji su ukrali novac namijenjen za finansiranje školovanja siromašne djece.

18. decembar 2010.

Luis Moreno Ocampo, tužilac ICC-a, je izjavio da posjeduje dokaze da je sudanski predsjednik Omar al-Bashir ukrao milijarde dolara od svoje osiromašene zemlje. Optužbe za pronevjeru su prvi put objavile britanske novine The Guardian, putem diplomatskih kanala koje je omogućila web stranica Wikileaks.

25. januar 2011.

Ruandski pobunjenik Callixte Mbarushimana je stigao u Hag nakon što je pariški žalbeni sud u novembru donio odluku o njegovom izručenju ICC-u. Optužen je pod 11 tačaka optužnice za zločine protiv čovječnosti i ratne zločine, uključujući ubistva, silovanja, progon zasnovan na spolu i ekstenzivno uništenje imovine koje je počinio hutski FDLR tokom 2009. godine.

26. februar 2011.

Rusija se pridružila članovima Vijeća sigurnosti UN-a pri naređenju embarga za oružje protiv Libije i ostalih sankcija (Rezolucija 1970). Rusiji je prijetio gubitak u iznosu od oko \$10 milijardi od prodaje oružja, uključujući oko ukupno \$4 milijarde iz Libije, od talasa nemira koji je trenutno rušio stabilnost režima u Sjevernoj Africi i na Bliskom Istoku. Vijeće sigurnosti UN-a je pristalo da naredi ICC-ju da istraži krizu u Libiji.

2. mart 2011.

Tužioci Međunarodnog kaznenog suda su izjavili da će otvoriti službenu istragu potencijalnih zločina protiv čovječnosti u Libiji.

16. maj 2011.

Luis Moreno-Ocampo, tužitelj Međunarodnog kaznenog suda je zatražio nalog za hapšenjem libijskog vođe Muammara Gaddafija pod optužnicom da je počinio zločine protiv čovječnosti ubijanjem prosvjednika tokom ustanka protiv 41-godišnje vlasti.

27. juni 2011.

Međunarodni kazneni sud je izdao naloge za hapšenjem Moammara Gadhafija, njegovog sina Seifa, i šefa njegove obavještajne službe za zločine protiv čovječnosti tokom četveromjesečnih nastojanja libijskog vođe da održi vlast.

22. november 2011.

Tužilac ICC-a je izjavio da Libija može suditi sinu Moammara Gadhafija, nekadašnjem nasljedniku, na svom teritoriju, ali da u slučaju moraju sudjelovati i suci haškog suda. Premijer Libije Abdurrahim el-Keib je na dužnost imenovao Osamu al-Juwalija, vođu vojnog vijeća u Zintanu.

25. november 2011.

Meksički aktivisti su Međunarodnom kaznenom sudu uložili apel protiv predsjednika Felipea Calderona za počinjenje ratnih zločina, tvrdeći da je njegov napad na kartele droga uključivao oko 470 slučajeva kršenja ljudskih prava koje je počinila vojska ili policija. Službenici odbrane se pritvorili Ezequiela “El Juniora” Cardenasa Riveru (23). Rivierovog oca, Antonia Ezequiela Cardenasa Guillena, zaljevskog vođu, su ubile federalne snage 2010. godine.

30.novembar 2011.

Međunarodni kazneni sud u Hagu je pritvorio nekadašnjeg predsjednika Obale Slonovače Laurenta Gbagboa radi optužnica za ubistva, silovanja i ostale zločine koje su navodno počinile njegove pristaše tokom nastojanja da održi vlast nakon prošlogodišnjih izbora.

12. decembar 2011.

Države članice ICC-a, koje su se sastale u Hagu, su jednoglasno izabrale Fatou Bensouda iz Gambije za novu glavnu tužiteljicu osnovnog suda za genocid i ratne zločine.

12. decembar 2011.

ICC je izjavio da prosljeđuje Malavi Vijeću sigurnosti UN-a uslijed odbijanja da uhapsi sudanskog predsjednika Omara al-Bashira tokom njegove posjete u oktobru radi sastanka za Zajednička tržišta za istočnu i južnu Afriku (COMESA), a kojeg sud traži radi genocida.

16. decembar 2011.

Sudac ICC-ja je odlučio da ne podigne optužnicu protiv ruandskog vođe Callixtea Mbarushimana za zločine počinjene u Demokratskoj Republici Kongo i naređeno je njegovo oslobađanje. Mbarushimana se suočio sa 13 tački optužnice za ratne zločine i zločine protiv čovječnosti navodno počinjenih u provincijama Kivu DR Kongo 2009. godine.

23. decembar 2011.

ICC je oslobodio ruandskog pobunjenika Callixtea Mbarushimana i vratio ga u Francusku nakon što je povukao optužnicu protiv njega za ubistvo i silovanje. Proveo je 11 mjeseci u pritvoru i bio je prvi osumnjičenik za ratne zločine koji je uhapšen i oslobođen bez suđenja od početka rada suda 2002. godine.

23. januar 2012.

ICC je presudio da su dvojica vodećih predsjedničkih kandidata među četiri ugledna Kenijca koja bi trebala da se suoče s optužnicama za smrtonosno nasilje nakon izbora prije četiri godine. ICC je izjavio da su potvrđene optužnice za zločine protiv čovječnosti protiv Williama Rutoa i Uhurua Kenyatta, sina predsjednika osnivača zemlje. Suđenje također očekuje i radio voditeljja Joshue arap Sanga i Francisa Muthaura, rukovodioca državne službe.

1. mart 2012.

ICC je izjavio da je izdao nalog za hapšenjem sudanskog ministra odbrane Abdelrahima Mohameda Husseina za zločine protiv civilnog stanovništva u Darfuru.

14. mart 2012.

ICC je osudio kongoanskog ratnog vođu Thomasa Lubanga za mobilizaciju djece vojnika, i ta odluka je pozdravljena kao pravna prekretnica u borbi protiv nekažnjivosti za najteže svjetske zločine.

26. april 2012.

ICC je osudio nekadašnjeg liberijskog predsjednika Charlesa Taylora za pružanje pomoći i prikrivanje ratnih zločina i zločina protiv čovječnosti koje su počinili ozloglašeni brutalni pobunjenici u susjednom Sierra Leoneu u zamjenu za „krvave dijamante“. Taylor je postao prvi državni čelnik kojeg je osudio međunarodni sud od vojnog suda u Nurembergu nakon Drugog svjetskog rata.

07. juni 2012.

U Libiji su stotine naoružanih muškaraca koji su pozivali na Islamski zakon izveli demonstracije u istočnom gradu Benghazi. Protudemonstracije, na kojima su učestvovala desetina aktivista i nekoliko žena, su prerasle u proteste protiv upotrebe oružja. Muškarci su nakon toga uklonjeni sa trga do zalaska sunca. Vlasti u Zintanu, na jugozapadu Tripolija, su pritvorile australijskog branitelja Melindu Taylor. Ona je bila jedan od dva advokata koje je ICC imenovao da pomognu pri odbrani pravnih interesa Seifa al-Islama Gadhafija, kojeg su revolucionari zarobili u novembru.

09. juni 2012.

ICC je zahtijevao oslobađanje četiri pripadnika osoblja koji su, kako navodi, pritvoreni u Libiji u sklopu službene misije koja je poslana radi sastanka sa zatvorenim sinom smijenjenog diktatora Moammara Gadhafija.

11. juni 2012.

Libijski pravni izvor je izjavio da su četiri pripadnika Međunarodnog kaznenog suda „preventivno“ pritvorena na 45 dana tokom istrage navodne prijetnje za nacionalnu sigurnost.

15. juni 2012.

Gambijka Fatou Bensouda je prisegla na Međunarodnom kaznenom sudu kao nova glavna tužiteljica, te je izjavila da je spremna da predvodi borbu protiv svjetskih najtežih ratnih zločinaca.

2. juli 2012.

Libija je oslobodila četiri pripadnika Međunarodnog kaznenog suda koja su bila u pritvoru od 7. juna nakon posjete sinu ubijenog vođe Moamera Gadhafija.

10. juli 2012.

ICC je osudio kongoanskog vođu paravojskih formacija Thomasa Lubanga na 14 godina zatvora, što predstavlja potencijalnu prekretnicu u borbi za zaštitu djece tokom ratnih dešavanja. Lubanga je u martu proglašen krivim za regrutovanje i mobilizaciju djece u njegovoj paravojnoj formaciji pod nazivom Unija kongoanskih patriota. Nakon žalbe na presudu uložene 2014. ova presuda je potvrđena.

13. juli 2012.

ICC je izdao naloge za hapšenje Boscoa Ntaganda, kongoanskog pobunjenika generala tutske vojske, i Sylvestrea Mudacumura, ruandskog vođu hutskih pobunjenika s bazom u Demokratskoj Republici Kongu, koje su Kigali i Kinshasa optužili da su jedan drugom služili kao punomoćnici u Demokratskoj Republici Kongu.

22. november 2012.

ICC je podigao optužnicu protiv supruge predsjednika Obale Slonovače Laurenta Gbagboa za zločine ubistva, silovanja i progona. To je prvi put u 10-godišnjoj historiji da je sud optužio ženu. Nalog za hapšenje nekadašnje prve dame Simone Gbagbo radi počinjenja zločina protiv čovječnosti je izdat 29. februara.

12. decembar 2012.

ICC je oslobodio kongoanskog vođu paravojnih formacija Mathieua Ngudjoloa svih optužbi da je izdavao komande borcima koji su uništili selo u istočnom Kongu 2003., pri čemu je silovano i izbodeno do smrti oko 200 ljudi, uključujući djece.

11. mart 2013.

ICC je odustao od optužnice za zločine protiv čovječnosti protiv Francisa Muthaura, nekadašnjeg čelnika državne službe Kenije, nakon opoziva ključnog svjedoka.

22. mart 2013.

Međunarodni kazneni sud je pritvorio ratnog vođu porijeklom iz Ruande, Bosco Ntaganda, koji je prebačen je u Hag na suđenje pod optužbama za zanemarivanje strahota u istočnom Kongu prije deset godina.

5. september 2013.

Kenijski parlament je glasao za povlačenje iz ICC-a nakon što su zakonodavne vlasti inscenirale parlamentarni revolt protiv suđenja predsjedniku Uhuruaiju Kenyattiju i potpredsjedniku Williamu Rutou, koje je zakazano za sljedeću sedmicu .

23. september 2013.

Međunarodni kazneni sud je nakratko oslobodio kenijskog potpredsjednika Williama Rutoa suđenja za zločine protiv čovječnosti kako bi se mogao pozabaviti krvavom opsadom trgovačkog centra u Nairobiju.

01. oktobar 2013.

Međunarodni kazneni sud je izdao nalog za hapšenje Charlesa Blea Goudea, omladinskog vođu nekadašnjeg predsjednika Obale Slonovače Laurenta Gbagboa, optuživši ga za zločine protiv čovječnosti prilikom krvavog sukoba koji je izbio tokom izbora prije oko tri godine.

02. oktobar 2013.

Međunarodni kazneni sud je izjavio da je izdao nalog za hapšenje Waltera Barasa, kenijskog novinara u Eldoretu, političkom sjedištu potpredsjednika Williama Rutoa, za pokušaj podmićivanja svjedoka da povuku svjedočenje protiv Rutoa.

20. november 2013.

U fokusu na dan otvaranja godišnjeg samita 122 države članice u Hagu je bio narušeni odnos između Međunarodnog kaznenog suda i Afrike.

14. februar 2014.

Istražna komisija UN-a je otkrila da su u Sjevernoj Koreji počinjeni zločini protiv čovječnosti i preporučeno je da se izvještaji proslijede Međunarodnom kaznenom sudu.

26. februar 2014.

Međunarodni kazneni sud je predvodio poziv vladi Demokratske Republike Kongo da uhapsi sudanskog predsjednika Omara Bashira prilikom njegove posjete, radi genocida u Darfuru.

07. mart 2014.

Kongoanski ratni vođa Germain Katanga je osuđen za suučesništvo u ratnim zločinima uključujući ubistvo i pljačkanje – tek druga osuda u 12-godišnjoj historiji ICC-ja. Katanga je osuđen kao suučesnik u napadu na selo Bogoro 2003. u kojem je stradalo oko 200 civila, a mnoge žene su silovane i pretvorene u seksualne robove.

22. mart 2014.

ICC je izjavio da se Charles Ble Goude, kojeg je Međunarodni kazneni sud tražio u vezi s izbijanjem nasilja nakon izbora održanih 2010. u Obali Slonovače, nalazi u pritvoru suda i da je na putu prema haškom zatvoru.

13. maj 2014.

Tužitelj Međunarodnog kaznenog suda je izjavio da libijska vlada mora izručiti sina pogubljenog diktatora Moammara Gadhafija na suđenje za zločine protiv čovječnosti uprkos žalbi o izručenju i pravnim sporovima pokrenutim u Libiji.

23. maj 2014.

ICC je osudio Germaina Katanga, kongoanskog vođu paravojskih formacija, na 12 godina zatvora za njegovu ulogu u napadu 2003. u kojem je ubijeno preko 200 civila.

12. juni 2014.

ICC je presudio da Laurent Gbagbo, nekadašnji predsjednik Obale Slonovače, mora da se suoči s optužbama za zločine protiv čovječnosti počinjene dok je održavao vlast nakon izgubljenih izbora 2010. godine.

05. decembar 2014.

Tužioci Međunarodnog kaznenog suda su povukli optužnice za zločine protiv čovječnosti protiv kenijskog predsjednika Uhuru Kenyatta. Kenyatta je izjavio da je „oslobođen“ nakon odluke ICC-a.

08. decembar 2014.

122 države članice Međunarodnog kaznenog suda su otvorile svoj godišnji sastanak u sjedištu UN-a u NYC-u s fokusom na Afriku.

11. decembar 2014.

Međunarodni kazneni sud je naredio da se bliski saveznik nekadašnjeg predsjednika Obale Slonovače Laurenta Gbabo, Charlesa Blea Goudea, suoči sa suđenjem za zločine protiv čovječnosti u kontekstu krize nakon izbora 2010-11. godine.

12. decembar 2014.

Tužiteljica Međunarodnog kaznenog suda Fatou Bensouda je izjavila za Vijeće sigurnosti UN-a da je otkazala istrage navodnih ratnih zločina u sudanskom Darfuru, kritikujući Vijeće sigurnosti UN-a za nedjelovanje u regiji pogođenoj sukobima.

31. decembar 2014.

Palestinski predsjednik Mahmoud Abbas je potpisao 20 međunarodnih sporazuma, uključujući Rimski statut Međunarodnog kaznenog suda, kao novi poziv za poduzimanje aktivnosti protiv Izraela nakon što je Vijeće sigurnosti UN-a odbilo rezoluciju za okončanje okupacije.

03. januar 2015.

Izrael je izjavio da će uskratiti kritičnu naknadu za poreze i tražiti načine da pokrene optužbe za ratne zločine protiv palestinskih vođa kao odgovor na palestinske poteze za pridruženje Međunarodnom kaznenom sudu.

06. januar 2015.

Generalni sekretar Ban Ki-moon je izjavio da će se Palestinci pridružiti ICC-u 1. aprila.

13. mart 2015.

Međunarodni kazneni sud je službeno obustavio postupak protiv kenijskog predsjednika Uhuru Kenyatta tri mjeseca nakon što su tužitelji odustali od optužbi za izvršenje zločina sa 1.000 mrtvih tokom 2007. i 2008. godine.

01. april 2015.

Palestina se formalno pridružila Međunarodnom kaznenom sudu, što predstavlja potez za koji su se Palestinci nadali da će otvoriti vrata ka potencijalnom krivičnom progonu Izraelaca za navodne ratne zločine.

24. september 2015.

Međunarodni sud za ratne zločine je objavio najmanje 60 novih optužnica za ratne zločine, uključujući mobilizaciju djece vojnika i držanja seksualnih robova, protiv Dominica Ongwena, zamjenika vođe ugandske Božje vojske otpora.

26. september 2015.

Ahmad Al Mahdi Al Faqi, poznatiji pod imenom Abu Tourab, navodni islamski ekstremista optužen za sudjelovanje u uništenju religijskih zgrada u historijskom gradu Timbaktu na Maliju 2012. godine je izručen Međunarodnom kaznenom sudu kako bi se suočio s pravdom.

11. oktober 2015.

Južna Afrika je izjavila da planira napustiti ICC. Vlada se suočila s kritikama za ignorisanje naloga suda za hapšenje sudanskog predsjednika ranije te godine.

13. november 2015.

Međunarodni kazneni sud je skratio 12-godišnju kaznu zatvora koja je dodijeljena kongoanskom vođi paravojskih formacija Germainu Katangi za brutalni napad na selo, i izjavio da će biti oslobođen u januaru nakon što je izrazio kajanje za svoje postupke.

27. januar 2016.

Suci Međunarodnog kaznenog suda su tužiteljima dali zeleno svjetlo da pokrenu novu istragu za optužbe za ratne zločine tokom kratkog ali krvavog rata između Rusije i Gruzije 2008. godine.

21. mart 2016.

Kongoanski političar Jean-Pierre Bemba je postao najviše rangirani politički vođa koji se morao suočiti s optužbama Međunarodnog kaznenog suda. Proglašen je krivim za provođenje kampanje silovanja i ubistva 2002-2003. u Centralnoj Afričkoj Republici.

05. april 2016.

ICC je zatvorio slučaj protiv kenijskog zamjenika predsjednika Williama Rutoa izjavivši da nema dovoljno dokaza da je sudjelovao u zločinima nakon predsjedničkih izbora 2007. godine.

08. juni 2016.

Vlada Eritreje je odbacila optužbe za zloupotrebu ljudskih prava nakon što je Komisija UN-a izjavila da se “sistematična, rasprostranjena” zloupotreba ljudskih prava koju je počinila Eritreja treba proslijediti Međunarodnom kaznenom sudu za zločine protiv čovječnosti među kojima je i porobljavanje oko 400.000 ljudi.

21. juni 2016.

ICC je presudio najstrožu kaznu u historiji svog rada u trajanju od 18 godina zatvora nekadašnjem kongoanskom potpredsjedniku Jean-Pierreu Bembi za „sadistička, okrutna“ silovanja i ubistva koja su počinile njegove trupe u Centralnoj Afričkoj Republici.

19. september 2016.

Sudac Međunarodnog kaznenog suda u slučaju kenijskog predsjednika Uhuru Kenyatte je presudio da Kenija nije ispunila svoje obaveze da saraduje, izjavivši da zemlja nije pokazala saradnju.

27. september 2016.

Ahmada al-Faqija al-Mahdija su suci Međunarodnog kaznenog suda osudili na devet godina zatvora, nakon čega se izjasnio krivim za ratni zločin namjernog usmjeravanja napada u Maliju protiv religijske i historijske lokacije u Timbuktuu 2012. godine.

06. oktobar 2016.

Vlasti Burundija su izjavile da su parlamentu na razmatranje dostavile nacrt zakona za povlačenje iz Međunarodnog kaznenog suda. Optužili su sud za kršenje prava Afrikanaca.

12. oktobar 2016.

Zakonodavna vlast Burundija je nadvećinski glasala za podršku planu za povlačenje iz Međunarodnog kaznenog suda, što nijedna zemlja nikad prije nije učinila. Zemlja koja želi da se povuče iz ICC-a mora napismeno izjaviti svoju namjenu Generalnom sekretaru UN-a, a povlačenje stupa na snagu godinu dana nakon što generalni sekretar primi pisano obavještenje.

19. oktober 2016.

ICC je osudio nekadašnjeg kongoanskog potpredsjednika Jeana-Pierrea Bemba i četiri člana njegovog pravnog tima za utjecaj na svjedoke, izjavivši da bi slučaj trebao poslati jasnu poruku da pokušaji korupcije suđenja neće proći nekažnjeno.

21. oktober 2016.

Južna Afrika je najavila da će se povući iz Međunarodnog kaznenog suda, čime je nanesen značajan udarac instituciji za krivični progon najtežih zločina u svijetu.

25. oktobar 2016.

Gambija je postala treća afrička nacija koja je izjavila da će napustiti Međunarodni kazneni sud, čime je pojačan strah od značajnog odstupanja članica iz tijela za krivični progon najtežih zločina u svijetu.

14. november 2016.

Glavna tužiteljica ICC-a je u izvještaju izjavila da su američke snage u Afganistanu počinile ratne zločine mučenja tokom ispitivanja pritvorenika, čime su otvorene mogućnosti krivičnog progona Amerikanaca iako njihova zemlja nije članica suda. U izvještaju je navedeno da su operativci CIA-e podvrgli najmanje 27 pritvorenika u Afganistanu, Poljskoj, Rumuniji i Litvaniji „mučenju, okrutnom postupanju, zločinima protiv ličnog dostojanstva i/ili silovanju“ od decembra 2002. do marta 2008. godine.

16. november 2016.

Rusija je zadala Međunarodnom kaznenom sudu novi udarac nakon što su vodeći zvaničnici suda poticali nacije da podrže sud pogođen neviđenim talasom odstupanja. Moskva nikad nije ratificirala jedini stalni sud za ratne zločine na svijetu, ali je u značajno simboličnom potezu na dan otvaranja godišnjeg sastanka Međunarodnog kaznenog suda izjavila da povlači svoje potpisivanje Rimskog statuta kojim je osnovan sud.

10. februar 2017.

Ujedinjeni narodi su primili obavijest iz Gambije kojom je ta zemlja poništila svoje povlačenje iz Međunarodnog kaznenog suda.

22. februar 2017.

Južnoafrički sud je presudio da je odluka vlade da se povuče iz Međunarodnog kaznenog suda bez odobrenja parlamenta neustavna.

07. mart 2017.

Ujedinjeni narodi su izjavili da je povlačenje Južne Afrike iz Međunarodnog kaznenog suda ukinuto, čime je prolongirano prvo povlačenje sa suda koji vrši krivični progon najtežih zločina u svijetu.

19. mart 2017.

Filipinski predsjednik Rodrigo Duterte je pozdravio aktivnosti Međunarodnog kaznenog suda (ICC) koji mu je sudio radi aktivnosti tokom krvavog rata protiv droga i izjavio da se ne plaši te da će njegova kampanja biti nemilosrdna i brutalna.

22. mart 2017.

Suci ICC-a su osudili nekadašnjeg kongoanskog visokog predstavnika Jeana-Pierrea Bemba na godinu dana zatvora i novčanu kaznu od 300.000 EUR za nuđenje mita svjedocima tokom suđenja za ratne zločine u slučaju bez presedana pred ICC-om.

24. mart 2017.

ICC je dodijelio \$250 kao „simboličnu“ odštetu svakoj žrtvi nekadašnjeg vođe paravojnih formacija Germaina Katanga, i taj iznos su žrtve koje su izgubile svoje domove i voljene u napadu koji je izvršila vojska na njihovo selo prije 14 godina proglasile beznačajnim.

24. april 2017.

Filipinski advokat je uložio apel ICC-u protiv predsjednika Rodriga Duterte, tvrdeći da je njegov rat protiv droga odnio 8.000 žrtava.

14. juni 2017.

Glavna tužiteljica ICC-a je pozvala na „neposredno uhićenje i izručenje“ sina Moamera Kadhafija, Saifa al-Islama, kojeg je milicija navodno oslobodila u Libiji. Fatou Bensouda je izjavila da je nalog za uhićenje kojeg je izdao Hag po nalogu ICC-a protiv Saifa 2011. godine i dalje pravosnažan.

15. august 2017.

ICC je izdao nalog za uhićenje za Mahmouda al-Werfallia, komandanta Specijalnih snaga libijske nacionalne armije (LNA) Khalife Haftara, jer je navodno pogubio desetine zatvorenika ranije te godine u gradu Benghazi. Žrtvama su vezane ruke i ustrijeljene su u glavu, a njihova tijela su pronađena na deponijama.

17. august 2017.

Sudac ICC-a je u odluci za reparaciju u sklopu presude o spomenicima izjavio da je jedan malijski džihadist, odgovoran za uništavanje nadgrobnih spomenika u Timbuktuu 2012. godine, počinio štetu u vrijednosti 2,7 miliona EUR.

04. september 2017.

Istražitelji UN-a su optužili vladu Burundija za zločine protiv čovječnosti, uključujući pogubljenja i mučenja, i podstakli Međunarodni kazneni sud da otvori slučaj „što je prije moguće“. Burundi je formalno izjavila da se povlači sa suda što je planirano za 27. oktobar.

27. oktobar 2017.

Burundi je postala prva zemlja koja će se povući iz Međunarodnog kaznenog suda. Zvaničnici su izjavili da će sudski tužitelj nastaviti s ispitivanjem smrtonosnog političkog previranja u Istočnoj Africi.

03. november 2017.

Glavna tužiteljica Međunarodnog kaznenog suda je izjavila da traži da se izvrši istraga navodnih ratnih zločina počinjenih tokom rata u Afganistanu, što je bila istraga bez presedana koja bi se mogla odnositi i na američke trupe.

09. november 2017.

ICC je odobrio zahtjev za krivičnim progonom ratnih zločina koje je navodno počinila vlada i vladine grupe u Burundi protiv političkih neprijatelja od aprila 2015. do oktobra 2017. godine.

16. november 2017.

Prognani glavni tužilac Venezuele je zatražio od Međunarodnog kaznenog suda da otvori istragu protiv predsjednika Nicolasa Maduraoa i još četiri viša službenika za navodne ratne zločine protiv čovječnosti.

11. decembar 2017.

ICC je izjavio da će proslijediti Jordan Vijeću sigurnosti UN-a jer nije uhapsio sudanskog predsjednika Omara al-Bashira prilikom njegove posjete Ammanu koja je održana u martu.

15. decembar 2017.

ICC je presudio da nekadašnji kongoanski ratni vođa formacija Thomas Lubanga, koji je osuđen 2012. za mobilizaciju djece vojnika, mora isplatiti naknadu žrtvama u Africi u iznosu od \$10 miliona.

26. januar 2018.

Tužilac ICC-a je uputio ponovni apel libijskim vlastima za hapšenje libijskog komandanta Mahmouda al-Warfallija, kojeg sud traži za ratne zločine nakon što je doveden u vezu sa šokantnim videom na kojem se prikazuju brutalna ubistva.

08. februar 2018.

Dojavljeno je sa su tužioci ICC-a otvorili preliminarnu istragu „rata protiv droga“ filipinskog predsjednika Rodriga Duterte, u kojem je više hiljada ljudi izgubilo živote otkad je počeo u junu 2016. godine.

13. mart 2018.

Filipini su izjavili da se povlače iz Međunarodnog kaznenog suda uslijed aktivnosti zvaničnika UN-a koje je predsjednik Rodrigo Duterte nazvao „nečuvenim” napadima i radi kršenja odredbi koje je počinio ICC tokom tog postupka.

18. mart 2018.

Filipinski predsjednik Rodrigo Duterte je pozvao potpisnice Rimskog statuta koji su osnovali Međunarodni kazneni sud da se pridruže njegovoj zemlji prilikom povlačenja iz sporazuma.

31. mart 2018.

Vlasti u Maliju su izručile džihadističkog vođu Al Hassana Ag Abdoula Aziza Ag Mohameda Ag Mahmouda Međunarodnom kaznenom sudu radi optužbi za ratne zločine počinjene u Timbuktuu, dok su gradom upravljali ekstremisti u razdoblju od aprila 2012. do januara 2013. godine.

22. maj 2018.

Palestinski ministar vanjskih poslova Riyad al-Maliki je zatražio od Međunarodnog kaznenog suda da otvori „neposrednu istragu“ protiv navodnih izraelskih zločina počinjenih protiv palestinskog naroda.

30. maj 2018.

U Hagu su stotine žrtava iz Rohingye uložile apel sucima Međunarodnog kaznenog suda da tužiocima dodijele nadležnost za istragu deportacija iz Mianmara u susjedni Bangladeš.

Izvori: www.timelines.ws, www.timelinesdb.com

